



Шормо эл, порымлык да гым бер!

35-ше (3319) №,
2017 ий 26 август,
шуматкече.

ЯМДЕ ЛИЙ

1933 ий 1 февраль годсек лектеш.

0+



Вич кече гыч – парт коклаш

Август мучаш – чыла йочалан тургым жап. Ик велым, велосипед дене куда-лышт, шер теммеш модын, унала миен толын шуктыман. Вет кенжеж эрта! Вес велым, школыш каяш ямдылалтман: костюмым чиен ончыман, кенжежан пуымо книгам лудын пытарыман, учебник-влакым шергалман. А канцеляр арверже: ручка, карандаш, ластик, пенал, линейке, шуко-шуко молат – ситат мо? Чыла тергыман!

Теве Параньга кыдалаш школын тунемшыже Олег Чугунов школлан сатум налаш аваж дене пырля лұмын Йошкар-Олашке толын. Галя кокажын налын пуымо у ранецыш кажне предметлан келшыше тетрадь-влакым опышт (снимкыште). Рвезе 5-ше «В» классыш вончен, сайын тунемеш, йоратыме предметше – математике. Физкультурымат йората. Марий йылмымат кумылын тунемеш. Тыште РФ общий образованийын почётан пашаенже Гулира Юнисовна Сабирован надырже кугу. Тўналтыш класслаште туныктымыж годым тудо келге шинчымашлан пенгыде негызым пыштен.

Шергакан йоча-влак, шижтарена: Шинчымаш кече марте вич кече веле кодын!

Л.СЕМЕНОВА.



Марий Элыште 253 школ уло, визытше – 83 школ ола-лаште верланен, а райцентр ден яллаште илыше йоча-влаклан 170 школ омсажым почеш.

30 школышто кок смене дене туныкташ тўналыт.

Н.СЕМЕНОВАН фотожо.



1 сентябрь гыч 2018 ийын икымше пелыжлан подписке тўналеш. «Ямде лий» газетлан кў эн первый возалтеш – увертарыза!
Индекс: П4696.

«Молодые дарования России» конкурсышто Владимир Рыбаков (Йошкар-Ола, 2-шо №-ан йоча сымиктыш шк.) ден Алексей Козулев (Волжск олесе йоча сымиктыш шк.) сененыт.

Кажне рушарнян 11 шагатлан «Православный Йошкар-Ола» экскурсий яра эртаралтеш. Ик шагат жапыште гид-влак православный памятник да храм нерген каласкалат.

Лудса «Ямде лийым»!

Увер-выр-выр

Пеледышым кучыктем



Мария
2-шо номеран
Красногорский шко-
лышто тунемеш. Те-
ний 8-ше классыш
вончен.

лет?» йодмылан Мария вашештыш: «Пакчаштына шуко гладиолус кушкеш. Түрлө тўсан. Класс вуйлатышем Татьяна Ивановна Прусовалан кучыктем».

Чеверласыме деч ончыч аваже шарналтыш:

- Маша, айда икымше туныктышына Людмила Леонидовна Медведевалан газет гоч саламым колтена. Ме тудым моткоч йоратена.

Л.СЕМЕНОВА.



Изи шўдыр
кава гыч вола да
м л а н д ы м б а л н е
пире иге, ужава, ава-
маска да игыже, шўлы-
кан шоншо игым ваш-
лиеш. Умбакыже палы-
мыда шуэш - 27 авгу-
стышто Республикасые
курчак театрыш «Изи
шўдыр» йомакым
ончаш толза.

Школыш каена

Йошкар-Оласе школ пазар мучко ончышт коштам. Теве ик ўдырлан рюкзакым ойырат. Лишемын йодым.

- Кушеч толын улыда?

- Звенигово район Красногорский посёлко гыч. Школ пазарыш кажне ийын лўмын наледаш коштына, - умылтарыш Любовь Альбертовна Апакеева. Тудо Мариян аваже. Нуным ачаже машина дене конден. Пырля ўдырын коважат, Римма Алексеевна, толын **(снимкыште)**.

«Туныктышетлан могай пеледыш аршашым ямды-



Марий
Погынлан
100 ий теммы-
лан пөлеклалтше
презентацийым
vk.com/yamde_lii
электрон адрес
дене ончыза.

«ОНЧЫКО» ончыко ўжеш

Тений

1 августышто «Ончыко» журналын тўн редакторжылан

Игорь Геннадьевич **ПОПОВЫМ** шогалтыме.



Ончычсо юнкорна, а кызыт самырык поэт лўмым сулышо коллегынан у кўкшытшылан меат куаненна. Могай шонымаш дене пашам тўналын? Айста йодына.

- Чапле деч чапле произведений-влакым калык ончыко лукташ. Журналым ўчашен-ўчашен налышт манын тыршаш. Лудаш йоратыше-влакын «арми-йыштым» кугемдаш да журналым кажне лудшо деке шукташ. Лудшо-влакым тургыжландарыше йодыш-влак-клан вашмутым пуаш. Нунылан пайдале лияш.

Ача-авалан кангаш

ЙОДЫШ:

1-ше классыш кайыше йочалан канцеляр

арверым иктын-иктын наледыман мо? Але перво-классниклан лўмын ямдылыме ранецым налман?

ВАШМУТ: Ача-ава-влак, йоча пагытдам шарналтыза.

Ончылгоч налме арвер-влакым мыняр пачаш кучылтында? «Лавыртен пытарет» манын, вурсалтындат чай. Психолог-влак школан арвер-влакым йочада дене пырля наледаш темлат. Школыш каяш ямдылалтмаш тудлан пайрем гай чучшо. Ужалыше-влакын ямдылыме наборышто кўлдымаш сатуат лийын кертеш.

Кок-кум арня ончычак наледаш тыршыза. Икшывыда арверже дек тунем шуктыжо. Уке гын, урокышто комысо сўретым ончен шинчаш тўналеш.



Конкурсыш

Кенез каныш эн кужу гынат, пеш писын эртен кайыш. Мый каникул годым пеш шуко пашам ыштенам. Шайра пасушто авам дене пырля мўрым погенам. Морко район Азьялыш унала миенам. Тушто кочам, ковам да шуко родо-тукымем илат. Сотнур кыдалаш школ пеленысе «Я – защитник» профильный лагерышке коштынам. Тудым уста педагог З.И.Павлова вуйлатен. Лагерыште мыланем пеш келшен. Эше Сотнур клуб пашаен-влак «Планета детства» лўман лагерым почыныт ыле. Тушкат куанен коштынна. Ме сўретленна, түрлө модыш дене модынна. Йоратыме «Ямде лий» газетнамат эреак лудынна. Шемъерыш йўштылаш коштынна, тыште йўштылаш пеш сай, вўд эре яндар. Икманаш, кенез каникулем пеш пайдалын эртарышым.

Евгения ВАСИЛЬЕВА.

Волжский, Сотнур.



Пүртүсүмүрө



Марий Эл Республикысе Т.Евсеев лүмеш национальный тоштер 1920 ий март гыч пашам ышта. Тудым почмаште краевед, учёный-этнограф Тимофей Евсеевич Евсеевын надырже пеш кугу. Экспедициялаште погымо экспонатше, тудын ыштыме фотожо-влак тоштерын фондшым пойдареныт.



Татьяна Юрьевна Жданова (снимкыште) У Торъял районысо Пектубай школ деч вара Марий кугыжаныш университетын биолого-химический факультетшым йошкар диплом дене 1977 ийыште тунем лектын. Визак Т.Евсеев лүмеш тоштерын пашам ышташ толын. Нылле ий пүртүс пөлкаште тырша, тышеч коло ийже пөлкам вуйлата.

Тоштерыште кум кугу зал пашам ышта. Иктыже Марий кундемын пүртүс поянлыкшылан пөллеклалтын. «Удивительный мир животных. Особо охраняемые природные территории Республики Марий Эл» маналтеш.

Тиде пөлка дене айста лишкырак палыме лийына. - Пүртүс пөлкам официально 1938 ий 11 октябрьыште почмо, - мане вуйлатыше Т.Ю.Жданова. - Икымше шанче пашаен Георгий Викторович Модин лийын. Кызыт пөлкам кок заллан пайлыме. Иктыштыже чодыраште илыше янлык ден кайык-влакым, түрлө лыве ден копшангым верандыме. Кокымшо залыште вүд ден пасулаште илыше-влакын чучылышт улит. Тыгак палеонтологий коллекцийым Йоча тоштерончер рүдерлан пуымо.

түжемже пүртүс пөлкаште аралалтеш.

- Татьяна Юрьевна, нине чучыл-влак үмбака ончем да илышылак чучыт. Кө нуным ыштен?

- Чучылым ышташ куштылго огыл. Кө тиде пашалан пижеш, тудо янлык-кайык-влакын койыш-шоктышыштым палышаш, сүретчат, фотографат, скульпторат лийшаш. Пүртүс пөлкаштына кумдан палыме таксидермист Я.П.Коксинин ыштыме 200 чучыл аралалтеш. Яков Петрович - Г.В.Модинин тунуктышыжо, Озан университетын зоологий тоштерыштыже

Поян Марий мланде

- Мыняр экспонатда уло?

- Документге моге чылаже 230 түжем предметым погымо. Нунын кокла гыч 11

кудло ий наре пашам ыштен. Тудын пашаже-влак тўнямбал кўкшытыштў аклалтыт. Мемнан тоштерысе южо чучылжылан - 100 ий.

- Пунан, межан арверым 100 ий кузе араледа?

- Тўрлў копшанге, шукшынышт коч манын, идалык-клан ик гана кажне чучылым лўмын ямдылыме препарат дене эрыктена.

- Республикыштына таксидермист-влак улыт мо? Пытаргыш гана чучылым кў деч налында?

- Кол ден лудо чучыл-влакым республикыштына кумдан палыме биолог Христофор Факеевич Балдаев ыштен. Пытаргыш чучылым Саратов ола гыч таксидермист-влак Вячеслав Петрович

Таксидермист - чучылым ыштыше ег.

Полиемсиков ден Валентина Тимофеевна Саморукова деч налме. Республикысе эн кугу хищникым, маскам, нунак ыштеныт. Тоштерын диараме ден биогруппыжым нунак сўрастареныт.

Тоштерын пўртўс пўлкаже пеш поян. Йошкар-Олаш толыда гын, пурен лекса. А ме газетыштына янлык ден кайык-влак нерген умбакыже каласкалаш тўнгалына.

Анфиса ЭМАНОВА.

Пундашдыме огыл пўртўс шондыкат. Миклай КАЗАКОВ.

“Ямде лий” 2017 ий 26 август



М.ТОИШЕВАН фотожо.

«Саскавий» марий ұдырамаш ушемын енге-влак дене пырля нуно Советский, У Торъял, Кужэгер районлашке миеныт. Визымыште мончаш пуреныт, памаш вуд дене чывылалтыныт. **Марий Эл Республикнан поян пүртүсыжө мұндыр уна-влаклан пеш келшен, ятыр шарнымашым пөлеклен колтен.**

А.ЭМАНОВА.

Вудым аралыза!

Кызыт ег-влак пүртүсым аралыме олмеш, утыждене лавыртат. Вуд воктеке канаш мийыме-ке, шүкшакым тушанак кышкен кодат. Кугу эгерласе вудым завод-влак амыртылыт. А тиде вудым вара шкеак кучылтына. Лавыран вуд черым шаркала, кушкыллан экшыкым конда. Вуд воктене чодырам руаш ок лий: вуд йомын кертеш. Вуд уке – чодыра кушкын ок керт, емыжат, янлыкат, кайыквусынат огыт лий. **Аралыза вудым! Тек тудо ару лиеш!**

Никита НИКОЛАЕВ.
Морко, Эгерсола.

22-23 сентябрьыште
те Россий мучко
«Ужар Россий» суб-
ботник эрта.

Шүкшакым эрыкты-
ме акцияыш Марий Элат ушна.
Йоча-влак, теат ордыжеш огыда
код, шонена. Поро пашада нерген
редакцияшыкына серышым
возен колтыза.



Памаш ден Ужава

Йомак

Илен улмаш Ужава. Ик кечын тудо Памаш деке толеш. Онча, Памаш йыр шудым тошкен пытарыме, йырым-йыр шүкшак темын. Ужава йодеш:
- Памаш кочай, мо лийынат?
- Мыйым йоча-влак амыртенгыт. Шинчашкем янда ате логалын, түрлө тор погынен. Сандене вудемат эркын йога. Ужава Памашын йүштө вудшым йұын колта – үнарже лектеш, пашалан пижеш. Памашшинча гыч янда, пластик да консерве ате-влакым, лапчыкым, шөр пакетым луктеда. Чыла торым коранда. Тудын сай пашажым кайык-влак ужыт. Нунат полшаш тўналыт. Памаш йыр печым печат, олымбалым ыштат, вудым кошталаш коркам сакат. Памашшинча гыч йүштө вуд йыргыктен йогаш тўналеш. Памаш куанен, шыргыжше чурийже торах волгалтеш. Ик кечын Памаш деке йоча-влак толыт да орыт. Нунылан пеш намысын чучеш. Тунамак вес памашым кычал каят да эрыкташ тўналыт.

**Тыге Ужава йоча-
влакым поро паша-
лан туныктен.**

Регина МАМАЕВА.
Шернур,
Шудымарий.



Мут - Вужга кисала

И з и шудырнер але кугу вутеле (рушлаже - маленький веретенник) пыжашым Арктикыште опта. Кенезым игым пүктен луктеш, чонештылаш туныкта. Телылан Африкыш, Кечывалвел Азийыш, Австралийыш, Новый Зеландийыш чонешта. 11 тўжем менгым каныде чонештен кертеш. Тыгай кайык тетла уке.

ЭКО урок

Мынар маскам лўяш лиеш?

Марий Эл Республикысе чодыра да сонар озанлык
министерствыште умылтарат:

- 19 августышто сонарлыме тургым почылтын. Оңай, сонарзе мынар шола, тунар янлыкым лўен кер-теш мо? Уке! Лимит манме уло, тидын шотышто Марий Эл вуйлатышын пашажым жаплан шуктышо А.А.Евстифеев указым луктын.

Марий Эл чодыраште 6557 шордым шотлен лукмо, тышеч 339-ым лўяш лиеш. Шўдө маскам, 31 нергем (509 гыч), 4 шурманшым гына лўяш разрешитлыме.

Пурсак меран-влакын охранный грамотышт уло: ук кужу пылышымат лўяш ок лий! Нуно Марий кундемеште пеш шагал кодын-ым. Кызытеш сузым, црмузым лўяш чарыме.

Родо-тукымыштыда пычалан сонарзе уло гын, умылтарыза: посна аралыме кумдыкышто нимогай янлыкым, кайыквусым пытараш ок лий!

Марий Элыште 13 тўжем наре сонарзе уло.

Чумбылат кўсото



Ото - тўвыра ужаш

Тумньымучаш кундемыштына Чумбылат лўман кўсото уло. Тушко кажне ийын ял калык кумалтышыш лектеш. Мыланем оңай лие, вет тыгаяк лўман кўсото Киров кундемыште уло. Туныктышын каласкалымыж гыч умылышым: пеш шукерте ожно кызытсе Тумньымучаш кундемыш кас-йўдвел могырым марий-влак илаш толыныт, пеленышт кўсотыш коштмо йўламат конденит, тыгак лўмденит. Садлан калык Чумбылат кўсотыш коштеш. Тушко ме экскурсий дене миенна (снимкыште - 5-ше класс).

Кужэңер район.

Дарья ТОБЕКОВА.

Кутко - чодыран санитарже.

Кутко йоршеш ок мале.



Куткылан лекташ корным ончыкто.

«Мый пўртўсым йўратем»

Екатерина РЯБИНИАН сўретше. Вуйлатыше - А.А.ЯМБАРЦЕВА. Национальный президент сымыктыш школ.



Ужар шўртнў

Чодырам аралыза!



Йырым-йыр ончалам,

Мотор пўртўсым «ондалам». Шыма мардежше пуалеш, Той лышташым шупшалеш.

Тамле пуш умбак шарла. Паледа мо? Емыжна Ёжеш мемнам унала. Снегым, модым погена.

Пыл кокла гыч ончалеш Кече, порын шыргыжеш. Тидлан пўртўс куана, Кайык мурым муралта.

Янлык-влак пырля илат, Шке коклаштышт «мутланат». Коштыт нуно унала, Икте-весым пагалат.

Йоча-влак, тогдайышда, Мо нерген ме ойлышна? Чодыра нерген туштышна - Тудым те аралыза! Эмилия АЛЕКСАНДРОВА. Морко, Коркатово.

Август шолта, сентябрь йстембак шында.

Август кечым иземден, йўдым кужемден. Калык пале.



Авторын фотожо.

Пайдале кенгеж каныш

Ик мотор кенгеж кечын Марий Турек школын 6-шо классыш-кыже вончышо Ангелина Мамаева аваже да йолташыже-влак дене пырля велосипед дене шочмо кундемым ончен савыр-нен. Кумдан палыме «Холодный ключ» лўман памашыш миен. Тудо Марий Турек посёлко деч тораште огыл верланен. Тыште пўртўс мотор. Памаш вўд яндар, чынак йўштў.

Памаш деч тораште огыл тургыжлан (торфлан) кугу кўм шогалтыме. Тиде верыште сар

годым да сар деч вара тургыжым налыныт, тудым кочкын илен лектыныт. Садлан кўэш тыге возымо: **«Путник, остановись! Здесь лежит торф – чёрный хлеб войны. Эта земля священна».** Тыге Ангелина шочмо кундемжын мотор пўртўсшў дене веле огыл, историйже денат палыме лийын.

Марий Турек район.

Л.Г.ИВАНОВА, туныктышо.



Поро пашам ыште

Пўртўсын ик ужашыже – чодыра. Южгунам айдеме шкеак осал пашам ышта: то тыште, то тушто пожар ылыжеш. Тыге ятыр кумдыкышто чодыра пыта. Осал шукш-копшангылан шарлашыже амал лиеш. Чодырам мут дене огыл, а поро паша дене аралыман.

Морко, Коркатово. В.СМИРНОВ.

Ур

телы-

лан тўрлў-тўрлў

нўшмым пога. Но

азап: кушан

шылытымыжым

чўчкыдын монда. Тыге

ятыр кушкыллан ылы-

шым пўлекла.

Ушан тумна



Игечым шижтара

Игечын

могай лийшашы-жым пунтўрвў (голеу)

шижтара. Тиде колым Китайыште ылышешамыч мўнгыштышт ашнат. Ояр кече годым пунтўрвў аквариум йымалне тарваныде кия. Лач южгунам йогыжым монда, ияш тўналеш. Пылан игече годым пеш эркын тарванылеш. Кол пурлашке-шолашке, кўшкў-ўлыкў писын иеш гын, икмыняр жап гыч тале йўрале тўтан лийын кертеш.

Янлык тўня

Ушан рывыж

Кеч-кўнат изи годсо пагыт гыч шарнымаш ушышкыжо пур. Ик тыгай шарнымаш мыйынат уло да тудым йоча-влаклан ойлынем.

Кугарнян кастене мемнан ялысе пўя воктеке шуко колызо толеш ыле. Каналтыше-влакат лийыныт. Нуно утларакше чодыра лонгаште я олык лапыште, памаш воктене жапым эртареныт, леве пўя вўдыштў йўштылыныт.

Рывыжат арня мучко кугарнян вучен. Тидлан амалжат лийын. Колызо-влакын тул воктене шинчыме верышкышт кас велеш толын лектын. Колызо-влак тудым лўдыктен огытыл, мўнгешла, кондымо кочкышыштым пукшеныт. Тыге рывыж айдеме деч лўдмым чарнен. Очыни, поро чонан улмым тудат умылен. Садланак дыр пўяште ийын коштшо сурт-кайыкым ик ганат кучен огыл.

Тыге кенгеж эртен кайыш. Колызо да ме, йоча-влак, энгер воктеке колым кучаш толмым чарнышна. Ойлат, рывыжат икмыняр гана толын коштын, да тылеч вара пўя дек волымыжым иктат ужын огыл.

А.КУРЫК Кў.

Марий Турек район.



ШАРНЕ: Тура кечывалым эн кўчык ўмыл йўдвелне лиеш.

Школыш каена



Н.СЕМЕНОВАН фотожо.



Полина Тимофеева Медведево район Сенькан кыдалаш школын 9-ше классышкыже кая. Йоратыме предметше - историй, тудым Марина Анатольевна Мосунова вӱда. Класс вуйлатышыже - Татьяна Аркадьевна Беляева. Йошкар-Оласе школ пазарышке аваж дене пырля дневникым да тетрадь-влакым налаш толын, моло канцеляр арверым шукертак налын ямдылен. Шуко-шуко дневникым шерын лекмек, канде тӱсанжым ойырыш, туштыжо сандалыкат (космос), алгебрысе формулат, химийысе элемент-влак улыт -

Францийыште школьник-влакын каникулышт июль гыч тӱналеш. 4 сентябрьыште уэш парт коклашке шинчыт.

Германийыште каникулым 20 июльышто увертарат, йоча-влак 6 арня канат. Сентябрь покшелне тунемаш тӱналыт.

Полина кугурак классыште тунеммыже викшижалте.

Тугеже нуно 8 арням гына канат. Испаний. Июньын 20-шо числаж сорла пашам пытарымек, уэш школыш ошкылыт. Закон почеш у тунемме ий 1 октябрь марте тӱналшаш.

Англичан йоча-влакын каникулышт 26 июль гыч 1 сентябрь марте шуйна.

Ямде улам

Пӱтыял школна кугу, чатка, Мыйым кенже гоч вуча. Омсам почын пурымекем, Шӱмем куанен пыртка. Парт коклаш вашке шинчам, Угыч уым пален налам. Туныктышемлан манам: «Тунемаш ямде мый улам!»

Антон ТИМОФЕЕВ.
Волжский, Пӱтыял.



Возаш келша



АНГЕЛИНА - нине буква-шамычым возаш чотак келша. Сераш нимат йӱсӱ огыл. Моланжым тогдайышда, йоча-влак?

Ангелина ОГНЕВА.
Морко, Коркатово.




Шӱжарем

Шӱжарем - Лена Пушкина. Тудо Морко посёлкысо 2-шо номеран школыш коштеш. Лена пеш сай ӱдыр, чыла ыштен мошта, ачаж ден аважат тудым пеш моктат. Шӱжаремын йолташыжат ятыр.

Марина НИКОЛАЕВА.
Морко, Шӱргыял.

Миклай **РЫБАКОВЫН** «Юзо кӱсле» йомакшым лудынат? Тугеже сӱретым чиялте да ӱдырын лӱмжым возен колто. Лудын отыл гын, эше жап уло. Книгагудыш курж веле.



Школыш каена



Түткылыкетым терге

Кок
шоншо
тельлан
ямдылал-
теш.
Корзингаш-
кышт иктын-
иктын понтым
погеныт.
Кудо шоншо
чулымрак
лийын?



Сүретыште мерангын
гаяк зонтикше көн уло,
муза.

Кö улат:

Наташа Самаева.

Кушто

тунемат:

Медведево районысо Руэм кыда-
лаш школышто, 2-шо «В» класс.

Туныктышет: Лариса Геннадьевна
Иванова.

Школ формо: шем-канде түсан
клеткан сарафан, жакет ден ош
блузко.

Йöратыме пеледышет

могай: кына (розовый)
түсан хризантеме.



Тушто

Кеч изи пеш
капше, парня
йыжын нар,
Но шүшкаш
гын чаплын –

тудо эн мастар.

Кугу кайык,
сур түсан, шолыш-
таш пеш йöрата.

Кугу йүкын кычкырла.

Вика АНТРОПОВА.

Куженер, Юледур.



Кудо рвезе
колым кучен?

10 ойыртемем муза.



Индекс: Марий Элыште,
Пошкырт ден Татарстан
кундемлаште - П4696.
Тираж 1000 экз. Заказ 1689.
Формат – А-4-8.
Директор-түн редактор
Л.В.СЕМЕНОВА.

E-mail: yamde_lii@mari-el.ru,
yamde_lii@mail.ru
Сайтын адресше: yamde-lii.ru,
Тел. 45-25-49(факс);
45-22-82.

выктыме. Типографийын

УЧРЕДИТЕЛЬ-ВЛАК:

Марий Эл Республикы-
се культур, печать да
калык-влакын пашашт шо-
тышто министерстве, «Ям-
де лий» газет» кугужа-
ныш унитарный казенный
предприятий.

Газетым редакцийыште погымо да верстатлыме,
«СТРИНГ» ИПФ ООО-што ямде оригинал-макет гыч са-
адресше: 424006, Йошкар-Ола, Строитель урем, 95.

Газетым Массовый коммуникаций
сферыште да культур наследийым ара-
лымаште законодательством шуктен шо-
гымым эскерыше Федеральний службын
Приволжский федеральный округысо уп-
равленийыштыже регистрироватлыме.
Номер – ПИ №ФС 18-1999,
2005 ий 10 февральыште
пуымо.

0+

Печатыш пуымо жап – 14-00,
фактически – 13-00.
Ак – кутырен келшыме
почеш.

Авторын да редакцийын шо-
нымашышт түрлө лийын кер-
тыт. Серыш-влак мөнгеш огыт
колталт.

Редакцийын да издательнын
адресше: 424006, Йошкар-Ола,
СССР Вооружённый Вийын 70-ше
идалыкше урем, 20.